



SLUŽBENE NOVINE

FEDERACIJE BOSNE I HERCEGOVINE

Godina X – Broj 48

Petak, 26.09.2003. godine
S A R A J E V O

Pretplata za II polugodište 2003.
uključujući i pretplatu za
"Službeni glasnik BiH": KM 120.-

Na osnovu člana 93. Zakona o cestama Federacije BiH ("Službene novine Federacije BiH", broj 6/02), federalni ministar prometa i komunikacija donosi

UPUTSTVO

O JEDINSTVENOM NAČINU OBRAČUNA ZA POVRAT SREDSTAVA ŠTO SE PLAĆAJU PRI REGISTRACIJI MOTORNIH I PRIKLJUČNIH VOZILA

1) Pravno lice koje obavlja međunarodni prijevoz osoba ili stvari koje obavlja radove u inostranstvu (u daljem tekstu: vlasnik vozila) ima pravo, prilikom slijedeće registracije vozila, na povrat odgovarajućeg dijela sredstava iz naknada za ceste u skladu sa članom 85. tačka 1. Zakona o cestama Federacije BiH za vozilo koje koristi za promet u inostranstvu duže od tri mjeseca u toku godine dana.

2) Odgovarajući dio sredstava iz tačke 1. ovog uputstva se utvrđuje tako što se iznos naknade uplaćen pri registraciji vozila u godini za koju se traži povrat dijela uplate podijeli sa 365, odnosno sa 366 dana za prestupnu godinu i dobijena vrijednost se pomnoži sa brojem dana za koliko vlasnik vozila ima dokaze da je vozilo za koje traži povrat koristio u inostranstvu duže od tri mjeseca.

3) Zahtjev za povrat sredstava srazmjerno izvršenim uplatama vlasnik vozila podnosi Direkciji cesta Federacije BiH i nadležnom kantonalnom organu. Zahtjev za povrat sredstava se podnosi navedenim organima najkasnije u roku od 30 dana prije isteka registracije vozila za godinu za koju se zahtjev podnosi.

Uz zahtjev je potrebno priložiti:

- dokaz o uplati godišnje naknade,
- dokaz da je vozilo u toku godine za koje je uplaćena naknada za registraciju korišteno za promet u inostranstvu duže od tri mjeseca u toku godine (dokaz policijske ili carinske uprave).

4) Direkcija cesta Federacije BiH, odnosno nadležni kantonalni organ donosi rješenje po zahtjevu za povrat odgovarajućeg dijela sredstava, najkasnije do isteka registracije vozila.

Protiv rješenja iz stava 1. ove tačke vlasnik vozila može podnijeti žalbu federalnom ministru prometa i komunikacija u roku od 15 dana od dana prijema rješenja.

5) Povrat sredstava na osnovu rješenja iz tačke 4. stav 1. ovog uputstva Direkcija cesta Federacije BiH, odnosno nadležni kantonalni organ vrši na taj način što se vlasniku vozila pri narednoj registraciji tog vozila godišnji iznos naknade umanjuje za iznos sredstava koje treba vratiti.

Ukoliko je iznos sredstava koje treba vratiti veći od iznosa koji vlasnik vozila treba uplatiti pri novoj registraciji ili vlasnik vozila uopće ne namjerava registrovati vozilo u narednoj godini, Direkcija cesta Federacije BiH odnosno nadležni kantonalni organ dužni su vlasniku vozila vratiti više uplaćeni dio sredstava po rješenju na račun koji vlasnik vozila naznači u zahtjevu za povrat sredstava.

6) Ovo uputstvo stupa na snagu danom donošenja, a objavit će se u "Službenim novinama Federacije BiH".

Broj 01-27-1087/03
5. septembra 2003. godine
Mostar

Ministar
mr. *Nedžad Branković*, s. r.

.....

Na temelju članka 93. Zakona o cestama Federacije BiH ("Službene novine Federacije BiH", broj 6/02), federalni ministar prometa i komunikacija donosi

UPUTSTVO

O JEDINSTVENOM NAČINU OBRAČUNA ZA POVRAT SREDSTAVA ŠTO SE PLAĆAJU PRI REGISTRIRANJU MOTORNIH I PRIKLJUČNIH VOZILA

- 1) Pravno lice koje obavlja međunarodni prijevoz osoba ili stvari koje obavlja radove u inozemstvu (u daljnjem tekstu: vlasnik vozila) ima pravo, prilikom slijedeće registracije vozila, na povrat odgovarajućeg dijela sredstava iz naknada za ceste sukladno članku 85. točka 1. Zakona o cestama Federacije BiH za vozilo koje koristi za promet u inozemstvu dulje od tri mjeseca u toku godine dana.
- 2) Odgovarajući dio sredstava iz točke 1. ovog uputstva se utvrđuje tako što se iznos naknade uplaćen pri registraciji vozila u godini za koju se traži povrat dijela uplate podijeli sa 365, odnosno sa 366 dana za prijestupnu godinu i dobijena vrijednost se pomnoži sa brojem dana za koliko vlasnik vozila ima dokaze da je vozilo za koje traži povrat koristio u inozemstvu dulje od tri mjeseca.
- 3) Zahtjev za povrat sredstava srazmjerno izvršenim uplatama vlasnik vozila podnosi Direkciji cesta Federacije BiH i nadležnom kantonalnom organu. Zahtjev za povrat sredstava se podnosi navedenim organima najkasnije u roku od 30 dana prije isteka registracije vozila za godinu za koju se zahtjev podnosi.

Uz zahtjev je potrebno priložiti:

- dokaz o uplati godišnje naknade,
- dokaz da je vozilo u toku godine za koje je uplaćena naknada za registraciju korišteno za promet u inozemstvu dulje od tri mjeseca u tijeku godine (dokaz policijske ili carinske uprave).

4) Direkcija cesta Federacije BiH, odnosno nadležni kantonalni organ donosi rješenje po zahtjevu za povrat odgovarajućeg dijela sredstava, najkasnije do isteka registracije vozila.

Protiv rješenja iz stavka 1. ove točke vlasnik vozila može podnijeti žalbu federalnom ministru prometa i komunikacija u roku od 15 dana od dana prijema rješenja.

5) Povrat sredstava na temelju rješenja iz točke 4. stavak 1. ovog uputstva Direkcija cesta Federacije BiH, odnosno nadležni kantonalni organ vrši na taj način što se vlasniku vozila pri narednoj registraciji tog vozila godišnji iznos naknade umanjuje za iznos sredstava koje treba vratiti.

Ukoliko je iznos sredstava koje treba vratiti veći od iznosa koji vlasnik vozila treba uplatiti pri novoj registraciji ili vlasnik vozila uopće ne namjerava registrovati vozilo u narednoj godini Direkcija cesta Federacije BiH

odnosno nadležni kantonalni organ dužni su vlasniku vozila vratiti više uplaćeni dio sredstava po rješenju na račun koji vlasnik vozila naznači u zahtjevu za povrat sredstava.

6) Ovo uputstvo stupa na snagu danom donošenja, a objavit će se u "Službenim novinama Federacije BiH".

Broj 01-27-1087/03
5. rujna 2003. godine
Mostar

Ministar
mr. *Nedžad Branković*, v. r.